



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm Vnic. Conquerente.

[urn:nbn:de:hbz:466:1-62587](#)

Ratio est, quia per interpositam & receptam appellationem à definitiva, causa reducitur ad eum statum, in quo erat tempore litis contestatae, quandoquidem non allegata allegare, & non probata probare, coram Iudice ad quem, concessum est, dummodum talia sint, quæ post litem contestatam allegari & deduci potuerunt, sicuti *GL.* monet super hoc cap.

Eapropter consultum est, ut partes in

prima instantia petant probationes & exceptiones integre recipi, & in Actis Iudicii accurate describi, ut si aduersarius appellaverit. At verò coram Iudice appellationis nihil novi adferat, nisi quid in priori Iudicio vtrinque allegatum & deductum fuit. Appellatus ulterius ad articulos nō respondeat, sed referat se ad acta prioris judicij, quippe quæ notorum efficiunt, sicuti notavit *Gail. l. 1. obser. 128.*

TITVLVS XXIX. DE CLERICIS PEREGRINANTIBVS.

Peregrinantes seu profiscentes ad Sedem Apostolicā, vulgo Romipetæ dicti, sub eiusdem Sedis protectione esse censentur, instar eorum, qui provocaverunt; quare post Titulum de appellat. subiicitur de peregrinantibus.

CAPITVLVM VNIC.

Conquerente.

PARAPHRASIS.

Presbyter I. ad Romanum Pontificem iter arrepturus non expressit, ut res & Ecclesiæ suæ sub protectione Sedis Apostolicæ essent, postea, cum profectus fuisset, aliqua ipsi erecta, aut subtraeta erant. Hoc casu responderet Cœlestinus III. Quidquid ei post arreptum iter subtrahendum fuit, restituī debere; propterea quod iij, qui ad Pontificem Romanum se conferunt, vna cum rebus suis sub Apostolica protectione securi esse debent.

S V M M A R I V M.

i. Profiscens ad Sedem Apostolicam, & bona eius omnia, sunt interim sub protectione eiusdem Sedis, & si quid ablatum efficit, mox restituendum.

2. Nec quidquam contra attentandum, sine intra, sine extra judicium, alias attentata revocanda.
3. Excommunicantur in Bulla Cœlesti Domini excommunic. 9. qui spoliant peregrinantes Romam negotij causâ: excommunicatione autem 10. qui spoliant illuc peregrinantes devotionis causâ. Discrimen inter viramque excommunicationem, in quo sit.
4. Contra occupantes absentium possessiones admittendit ad agendum coloni, parentes, propinquai, amici, servi sine mandato in possessorio judicio, modo caneant de rato.

Not. Vnic. Si quis ad Sedem Apostolicam iter arripuit, is, eiusque bona omnia interim censentur esse sub Apostolica Sedis protectione, ut, si quid ei ablatum, vel erectum fuerit, mox restitui debeat, nullâ obstante proprietatis exceptione. Ex quo apparet, quod remedium hujus canonis imitetur remedium attentati post interpositam appellationem, cum in vitroque restitui debeat, quæ interim immutata, aut sublata sunt.

Quæstio autem est, num hæc responsio intelligi tantum debeat de iis, quæ de facto alicui auferuntur, an etiam de iis, quæ in judicio auferuntur, si videlicet aliquis ad Roma-

Romanum Pontificem , aut Sedem Romanam abiit , nullo bonorum defensore , aut Procuratore relitto ; num Iudex contra absentem , si citatione antea præventus non fuerat , procedere possit , saltem ad immisionem in bona eius petita , ex primo decreto , seu custodiae causâ , juxta *Gl. in c. Consultationibus. 10. verb. Restitutione. de off. delegat.*

Negat *Abbas hic n. 6.* & colligi videtur ex text. loquitur enim de presbytero , qui cum ad Pontificem iter artipuisset , aliqui res eius diripere præsumperunt .

Sed contrarium non improbabiliter tradit *Hosiliens. hic. quem sequitur Alex. n. 10.* & *Innoc. in c. Ut debitus n. 2. de appellat.* Ratio reddi debet ex text. Quia ad Pontificem aut Sedem Romanam proficisci entes , sub eiusdem Sedis protectione sunt , ideo nihil interim contra eos intra vel extra judicium attentari debet , alioquin revocabitur .

Ad argumentum oppositum respondeo . Si ratio & causa decisionis sit generalis , eam non restringi ex casu speciali , qui de facto propositus fuit Principi , cum responsio ei aptata fuerit non gratia limitandi , sed exemplificandi .

Quare ea de ratione licet casus propositus , & consequenter responsio data fuerit de Clerico peregrinante , tamen communiter docent DD. decisionem huius Capituli eodem modo locum habere in Laicis , cum generalis ratio data sit , quod ad Pontificem iter instituens , sub Sedis Apostolicae protectione esse ceasatur .

Verum quod attinet ad spoliationem aut turbationem de facto , ea alia peculiaria habet . 1. Quod iij , qui Romipetas spoliant aut capiunt , excommunicationem in-

currant , c. *Si quis. 23. causa 24. q. 3.* &c in Bulla Cœna Domini excommunicatione 9. excommunicantur omnes , qui accedentes ad Romanam Sedem , vel ab ea recedentes suā vel aliorum operā interficiunt , spoli ant , capiunt , detinent . Et excommunicatio 10. bullaris est contra omnes interfici entes , mutilantes , detinentes , capientes , aut deprædantes Romipetas , seu peregrinantes ad Vrbem causâ devotionis , seu , quod idem , peregrinationis accedentes , & in ea morantes , vel ab ipsa receden tes .

Adverte hīc , diuersos esse casus , & distinguedos , num aliquis ad Romanum Pontificem , aut Sedem Apostolicam eat , vel inde revertatur , videlicet propter causam aliquam seu negotium expediendum , & num aliquis peregrinationis causâ Romanam eat . de priore loquitur nostrum Capitulum , & excommunicatio Bullæ nona , de posteriore autem loquitur excommunicatio decima . Apparet autem discri men inter utramque excommunicationem , sicuti *Suar. notavit de censur. D. 21. S. 2. n. 67.* Quia decima amplior est præcedente ; pertinet enim illa ad eos , qui de votio nis causâ peregrinantur , etiam dum Romæ morantur : at verò præcedens , quæ est de peregrinantibus causâ negotij , lo cum nou habet , nisi dum ij Romam eunt , vel inde recedunt .

Alterum peculiare est in l. vn. C. *Si per vim.* contra omnes eos statutum , qui absentium possessiones occupant , quod Coloni eorum , item parentes , propinqui , amici , quin & serui , ad agendum fine mandato in possessorio judicio admittendi sint , dummodò caueant de rato .



TITV-